



Beke ya Lefatshe ya Borakgwebo

Mo go amogeleng Kgwedzi ya Borakgwebo, Beke ya Lefatshe ya Borakgwebo e ne e tshwerwe beke e e fetileng ya Ngwanatsele, e tlhomile leitlo go tlhabololo le tswelelo ya di SMME go tswa mo le go dikologa karolo ya Mmasepala wa Selegae wa Ramotshere.

Tiragalo eno ya ngwaga le ngwaga e neile borakgwebo tshono ya go ithuta ka ga didiriswa tse di leng gona go di SMME mo kgaolong le go aga dikamano tsa go dirisana.

E tsamaisiwa ke Angels Resource Centres, mmogo le Lead Academy le Business e-Zone, tiragalo e akaredise dithutano tsa kgwebo; ditirelo tsa tshegetso ya dikgwebopotlana; setlhophha sa mobaele sa Tirelo tsa Lekgetho tsa Aforika Borwa; ditshono tsa papatso le dikamano tsa go dirisana le ba bangwe; dikgogo tsa masego(lucky draw) le go le gontsi.

A le mongwe wa borakgwebo yo o neng a tsenetse tiragalo, Thabisile Tshabalala, mong wa Botanical Balm of Gilead, o rile, "Tiragalo e ne e le mosola thata, e bile ke ithutile go le gontsi. Gape ke nnile le tshono ya go kopana le dikemedi tsa SARS bao ba tlhalotseng tsela e tsamaiso ya lekgetho e dirang ka yona le go nthusa ka dipampiri tsa me tsa lekgetho."



Tlamelo ya Didiriswa tsa Thuto ya Pele o Simolola Sekolo

Go latela lenaneo la katiso la NCF, badiri ba ECD le dithhogo tsa lefelo le bona ba amogetse thutano ya matsatsi a le mabedi ka ga tiriso ya didiriswa tsa pele o simolola sekolo. Thutano e bontshitse batsaakarolo mefuta mefuta ya didiriswa tsa thuto tse ba ka di dirisang, tse di e amang le mananeo a bona go tlhotheletsa bana ka tsela e lolameng.

Thutano e bontshitse temoso le go arolelana kitso ya go rotoetsa bana nako e sa le gale ka mefutafuta ya didiriswa tse di jaaka, ditshamakisi, dimatheriele tse di dirlweng sewsa, le didiriswa tse di dirlweng fa gae. Jaaka tlaleletso ya katiso ya NCF, eo e tlhomileng leitlo go tlhabololo ya bana go ralala dikarolo di le thataro tsa kgolo, thutano eno e bontsha tsela ya go tlhama le go tsenya tirisong ditiro ka go dirisa didiriswa.

Gape re abetse disenthara tsa ECD didiriswa go ba thusa go tokafatsa boleng jwa thuto ya bana; diphosetara tsa thulaganyo; dimaterase tse bana ba tla robalang mo go tsona; dilwana tse di thusang go gola ga mmele tse di jaaka di hula hupu, dibolo, le dibaesekelle tse dinnye; ga mmogo le dilwana tsa kgodiso ya tiriso ya mesifa e mennye tse di jaaka malepa, pente le tege ya go tshameka.



Go Tsenya Motlakase kwa Sekolong se se Potlana sa Stinkhoutboom

Zeerust Solar e motlotlo go bo e tlamelia Sekolo se se Potlana sa Stinkhoutboom ka jenereita ka motlakase nakwana, go fitihela go tsenngwa motlakase o o fetlhwang ka letsatsi fa go agiwa sekolo se se ntshwa.

Diphaphosiborutelo tsotle le diphaposi tsa barutabana kwa sekolong le tsona di tla nna le motlakase gore thuto e diragale mo tikologong e siameng. Kgato eno e dira karolo ya lenaneo la maemo a a kwa godimo la Hearts & Minds la Zeerust Solar, le le tlhamilweng go maatlaatsa baagi ba selegae.



Katiso ya NCF ya Modiri wa ECD


Bagokgo le badiri ba ECD go tswa go ralala disenthara di le 15 tsa ECD, mo Mmasepala wa Selegae wa Ramotshere Moloa, ba tsaya karolo go lenaneo la katiso la Letlhomeso la Kharikhulamo ya Bosetshaba(NCF). Lenaneo le tlametse batsaakarolo ka kitso ya motheo ya go dira le masea, bana, le bana ba bannyne go floga kwa tsalong go ya go dingwaga di le nne.

Khoso ya katiso ya matsatsi a le matlhano e akareditse dithhogo ka ga dikgopolo le metheo tse di botlhokwa tsa NCF, tse di jaaka tsela ya go dirisa kaedi ya NCF; go rulaganya maano a thuto a bana ba dithophpha tsa dingwaga tse di farologaneng; tsela ya go bayo barutwana ka dithophpha go ya ka dithophpha tsa dingwaga; le go rulaganya thulaganya ya beke le beke.

Batsaakarolo gape ba ne ba tlamelwa ka diphousetara tsa thulaganya, tseo di tsamaisanang le dikarolo di le thataro tsa tlhabololo ya thuto ya pele o simolola sekolo (ELDAs), le diphampolete tsa ditiro tse ba ka di dirisang go ba thusa mo thulaganyong tsa bona. Go ya pele, katiso e tla thusa badiri mo go tlhatlhobeng tlhabololo ya bana le go neela ka dipolo go batsadi.

TIRISO YA KOTARA (Q4 2022)

- Tlhabololo ya Kgwebo
- Katlaatlelo/Hearts and Minds
- Thuto



GOLAGANYA LE RONA

ZeerustCommunity

Diura tsa Tiro

Mosupologo - Labotlhano: 08:30 – 17:00

Molaodi wa Ditragatso tsa Baagi

Tshepo Kgoloane
021 670 1400 or 082 299 9065
tshepo.kgoloane@eimsafrica.com



zeerustsolar.co.za



info@zeerustsolar.co.za



Like our Facebook Page | ZeerustCommunity